



অবিলম্বে প্রকাশের উদ্দেশ্যে: 10/21/2022

গভর্নর ক্যাথি হোকল

কয়েক মিলিয়ন ডলারের বেসরকারি বিনিয়োগ কাজে লাগিয়ে আইকনিক জোন্স বিচ সামার কনসার্ট ভেন্যুকে সমৃদ্ধ করার জন্য গভর্নর হোকলের অংশীদারিত্ব সম্পন্ন করার ঘোষণা

উন্নয়ন কাজের মধ্যে একটি নতুন স্বাগত জানানো প্রবেশপথ, চমৎকার প্রোমেনেড, আপগ্রেডকৃত রেস্টরুম, উন্নত হসপিটালিটি এরিয়া, ঝড় মোকাবেলার ক্ষেত্রে সহনশীলতা এবং নিরাপত্তা আপগ্রেড অন্তর্ভুক্ত রয়েছে

বিবরণ ও ছবি [এখানে](#) পাওয়া যাবে

গভর্নর ক্যাথি হোকল আজ ঘোষণা করেছেন যে লাইভ নেশন এন্টারটেইনমেন্ট (Live Nation Entertainment) জোন্স বিচ থিয়েটারে নর্থওয়েল হেলথ-এ কনসার্ট উপভোগ করার অভিজ্ঞতা উন্নত করতে কয়েক মিলিয়ন ডলারের বিনিয়োগ সম্পন্ন করবে। এসব উন্নয়ন নিশ্চিত করবে যাতে জোন্স বিচ স্টেট পার্ক (Jones Beach State Park) ভেন্যু আরো এক প্রজন্মের কনসার্ট উপভোগ করতে যাওয়া মানুষদের জন্য বিনোদনের একটি শীর্ষ গন্তব্যস্থল হয়ে থাকে।

"নিউ ইয়র্কবাসীরা তাদের প্রিয় শিল্পীর পারফরম্যান্স দেখার জন্য বছ বছর ধরে জোন্স বিচ থিয়েটারে ঐতিহাসিক নর্থওয়েল হেলথ-এ ভ্রমণ করে আসছে, এবং এই বিনিয়োগ এই আইকনিক ভেন্যুর অতি গুরুত্বপূর্ণ উন্নয়ন কাজের জন্য অর্থায়ন করবে," **বলেছেন গভর্নর হোকল।** "নিউ ইয়র্ক স্টেট এবং লাইভ নেশন এন্টারটেইনমেন্ট-এর মধ্যকার এই অংশীদারিত্বের সুবাদে আমরা কনসার্ট উপভোগ করতে যাওয়া লোকজনের জন্য আরো উন্নত একটি অভিজ্ঞতা তৈরি করবো এবং এই থিয়েটার যাতে আগামী বছরগুলোতে একটি প্রিমিয়ার কনসার্ট ভেন্যু হিসেবে বিদ্যমান থাকে তা নিশ্চিত করবো।"

কনসার্ট দেখার অভিজ্ঞতার উল্লেখযোগ্য উন্নতি করার জন্য লাইভ নেশন আগামী পাঁচ বছর ধরে জোন্স বিচ থিয়েটারে নর্থওয়েল হেলথ-এ ধারাবাহিকভাবে বিভিন্ন উন্নয়ন কাজ সম্পন্ন করবে, যেমন:

- একটি নতুন প্রবেশপথ স্থাপন করা যেটি ভেন্যুতে প্রবেশ করার একটি নিরবচ্ছিন্ন পথ করে দেবে।

- একটি নতুন প্লাজা নির্মাণ করা যেখানে ভক্তদের জন্য জোন্স বিচের পূর্ণাঙ্গ অভিজ্ঞতা উপভোগ করার জন্য স্থানীয় খাবার ও পানীয় সংগ্রহ করার সুযোগ ও একাধিক বসার এলাকা রয়েছে।
- সব কনকোর্স ও প্লাজার অভিজ্ঞতা উন্নত করা এবং আরো বেশি খাবার ও পানীয় গ্রহণের গন্তব্যস্থল যোগ করা।
- সব রেস্টরুম রিমডেলিং করা এবং রেস্টরুমের পরিমাণ 20 শতাংশ বৃদ্ধি করা।
- উঁচু টেউ থেকে সুরক্ষার জন্য নতুন করে সমুদ্র তীরবর্তী দেয়াল নির্মাণ, নতুন জ্বালানি-দক্ষতাসম্পন্ন LED লাইটিং, এবং সৌরবিদ্যুৎ চালিত স্ট্রিট লাইটিং এর মাধ্যমে স্থিতিশীলতা ও স্থায়িত্ব উন্নত করা
- উপরের লেভেলের কয়েক হাজার সিট প্রতিস্থাপন করা এবং আরো বেশি রেস্টরুম যোগ করা

এসব উন্নয়ন এই থিয়েটারের জন্য লাইভ নেশন এন্টারটেইনমেন্ট-এর সঙ্গে নিউ ইয়র্ক স্টেট পার্কস-এর 20 বছর মেয়াদী কার্যপরিচালনা চুক্তির আওতায় সম্পন্ন করা হবে।

লাইভ নেশন নর্থইস্ট-এর আঞ্চলিক প্রেসিডেন্ট গিওফ গার্ডন বলেন, "জোন্স বিচ থিয়েটার-এ নর্থওয়েল হেলথ একটি জমকালো ভেন্যু যেখানে কয়েক দশক ধরে কয়েক মিলিয়ন লাইভ মিউজিক ভক্ত তাদের প্রিয় শিল্পীদের দেখার জন্য কাছের ও দূরের জায়গা থেকে ভ্রমণ করে এসেছে। জোন্স বিচে একটি লাইভ শো উপভোগ করাটা লং আইল্যান্ডের বাসিন্দাদের জন্য একটি গ্রীষ্মকালীন রীতি। ভক্তদের অভিজ্ঞতাকে আরো বেশি সমৃদ্ধ করার জন্য এবং আমাদের ভক্তদের জন্য এবং তাদের প্রিয় পারফর্মারদের জন্য মনে রাখার মতো অভিজ্ঞতা উপহার দেওয়া অব্যাহত রাখতে জোন্স বিচ স্টেট পার্কে আমাদের অংশীদারদের সঙ্গে নিবিড়ভাবে কাজ করতে পেরে আমরা উচ্ছসিত।"

লাইভ নেশন-এর ভেন্যু নেশন-এর চিফ অপারেটিং অফিসার, টম সি বলেন, "জোন্স বিচ থিয়েটারে নর্থওয়েল হেলথ-এর জন্য আমাদের পরিকল্পনা এই ঐতিহাসিক ভেন্যুর স্বাভাবিক রক্ষা করে ভক্তদের উপভোগের জন্য আরো বেশি আধুনিক সুযোগ-সুবিধা যোগ করবে। পরবর্তী গ্রীষ্মে আমরা আমাদের ভক্তদের সঙ্গে এসব উন্নয়নের প্রথম ধাপ শেষার করতে পারবো এবং আগামী বছরগুলোতে একটি প্রভাব তৈরি করা অব্যাহত রাখতে পারবো বলে আমরা প্রত্যাশা করি।"

স্টেট পার্কস-এর কমিশনার এরিক কুলেসেইড বলেন, "70 বছর ধরে, জোন্স বিচ থিয়েটার একটি নজিরবিহীন পরিবেশে বিশ্বমানের মিউজিক্যাল পারফরম্যান্স উপভোগ করার স্থান হিসেবে বিদ্যমান রয়েছে। আরো বেশি সংখ্যক দর্শনার্থীর জন্য জোন্স বিচ স্টেট পার্কে অবিস্মরণীয় পারফরম্যান্স উপভোগ করার মতো আরো বেশি উদ্দীপনাপূর্ণ ও উষ্ণ একটি স্থানে পরিণত করতে আমরা লাইভ নেশন-এ আমাদের অংশীদারদের সঙ্গে কাজ করে যাওয়ার প্রত্যাশা করি।"

স্টেট সিনেটর জন ব্রুকস বলেন, "জোন্স বিচ থিয়েটারের নিরাপত্তা উন্নত করা এবং ইতিহাস সংরক্ষণ করার জন্য গৃহীত এই উদ্যোগের জন্য আমি অত্যন্ত কৃতজ্ঞ। কয়েক দশক ধরে লং আইল্যান্ড কমিউনিটির জন্য একটি প্রধান বৈশিষ্ট্য, এসব উন্নয়ন শুধু অনুষ্ঠানের সময়ে এই

ভেন্যুতে অধিকতর উপভোগ্যতাই নিশ্চিত করবে না, বরং সেগুলো পর্যটনকেও উৎসাহিত করবে এবং অতি প্রয়োজনীয় কর্মসংস্থানের সুযোগ তৈরি করবে — যার উভয়টি আমাদের অর্থনীতিকে উদ্দীপিত করতে সাহায্য করবে। আমি এই প্রকল্পের সবগুলো ধাপ সম্পন্ন হতে দেখার প্রত্যাশা করি এবং এসব সংস্কার যাতে ভেন্যুটিকে জলবায়ু পরিবর্তনের ফলে আমাদের দেখতে পাওয়া বিধ্বংসী প্রভাবগুলো মোকাবেলা করে টিকে থাকার মতো শক্তিশালী করে তোলে সে বিষয়টি নিশ্চিত করতে যেসব পদক্ষেপ গ্রহণ করা হচ্ছে সেগুলোকে আমি সাধুবাদ জানাই।"

অ্যাসেম্বলি সদস্য ডেভিড ম্যাকডোনাফ বলেন, "জোন্স বিচ থিয়েটারের উন্নয়নের জন্য লাইভ নেশন-এর সঙ্গে স্টেটের অংশীদারিত্ব এই ফ্যাসিলিটি উপভোগ করে আসা এবং ভবিষ্যতে উপভোগ করতে যাওয়া ব্যক্তিদের জন্য এবং সেখানে উপস্থিত হওয়া বিশ্বমানের পারফর্মারদের জন্য একটি বড় সুসংবাদ।"

লাইভ নেশন এই থিয়েটারে ভক্তদের অভিজ্ঞতা সবসময় উন্নত করার জন্য অঙ্গীকারাবদ্ধ। এই গত মৌসুমে, লাইভ নেশন 17.9 ফুট উচ্চতা এবং 31.6 ফুট প্রস্থের একটি বড় স্ক্রিনের ডিজিটাল ভিডিও বোর্ড স্থাপন করেছে। এছাড়াও লাইভ নেশন এই ভেন্যু জুড়ে টেস্ট NY (Taste NY) খাবার ও পানীয় গ্রহণের সুযোগ যোগ করেছে, এবং থিয়েটারে মেনু আইটেমগুলো সম্প্রসারণ করেছে, যার মধ্যে সিগনেচার ককটেল, এবং ইম্পসিবল মিট দিয়ে তৈরি কোয়েস্টলাভ'স চিজস্টেক অন্তর্ভুক্ত রয়েছে। টেকসই কার্যপরিচালনার উপর জোর দেওয়া বাড়তি উন্নয়ন কাজগুলোর মধ্যে নাসাউ ইন্টার-কাউন্টি এক্সপ্রেস বাস সার্ভিসের মাধ্যমে কনসার্টে যাওয়ার জন্য গণপরিবহন সুবিধা প্রদান করা, জিরো ওয়েস্ট স্টেশন, প্লাস্টিক স্ট্র ব্যবহার দূর করা, ওয়াটার রিফিল স্টেশন এবং একটি কমপোস্টিং কর্মসূচি অন্তর্ভুক্ত রয়েছে।

জোন্স বিচ থিয়েটারে নর্থওয়েল হেলথ সম্পর্কে

জোন্স বিচ থিয়েটারে নর্থওয়েল হেলথ হচ্ছে নিউ ইয়র্কের ওয়ানটাগে জোন্স বিচ স্টেট পার্কে অবস্থিত একটি আউটডোর অ্যাঞ্ফিথিয়েটার। শুরুর দিকে জোন্স বিচ ম্যারিন থিয়েটার নামে পরিচিত এই ফ্যাসিলিটি মূলত 1952 সালে এই পার্কে প্রায় 8,200 আসন নিয়ে চালু হয়। বর্তমানে এই থিয়েটারে 14,500 আসন রয়েছে এবং এটি নিউ ইয়র্ক মেট্রোপলিটন এলাকায় আউটডোর বিনোদনের জন্য একটি স্বরণীয় গন্তব্য হিসেবে ভূমিকা রাখছে। জোন্স বিচ থিয়েটারে নর্থওয়েল হেলথকে অনুসরণ করুন [ফেসবুক \(Facebook\)](#), [টুইটার \(Twitter\)](#) ও [ইনস্টাগ্রাম \(Instagram\)](#)-এ।

স্টেট পার্কস সম্পর্কে

স্টেট পার্কস 250টিরও বেশি পার্ক, ঐতিহাসিক স্থান, চিত্তবিনোদনমূলক ট্রেইল, গলফ কোর্স, বোট লঞ্চ এবং আরো অনেক কিছুর তত্ত্বাবধান করে থাকে, যেগুলোতে গত বছর রেকর্ড সংখ্যক 78.4 মিলিয়ন মানুষ ভ্রমণ করেছে। এসব চিত্তবিনোদনের স্থান সম্পর্কে আরো তথ্যের জন্য, 518-474-0456 নম্বরে ফোন করুন অথবা ভিজিট করুন www.parks.ny.gov ঠিকানায়, আমাদের সঙ্গে [ফেসবুকে](#) যুক্ত হোন, অথবা [ইনস্টাগ্রাম](#) ও [টুইটারে](#) অনুসরণ করুন।

লাইভ নেশন এন্টারটেইনমেন্ট সম্পর্কে

লাইভ নেশন এন্টারটেইনমেন্ট (NYSE: LYV) হচ্ছে বিশ্বের শীর্ষস্থানীয় লাইভ এন্টারটেইনমেন্ট কোম্পানি যেটি বিশ্ববাজারের নেতৃস্থানীয়দের নিয়ে গঠিত: টিকিটমাস্টার, লাইভ নেশন কনসার্ট, এবং লাইভ নেশন স্পনসরশিপ। আরো তথ্যের জন্য ভিজিট করুন www.livenationentertainment.com ঠিকানায়।

###

আরো সংবাদ পাওয়া যাবে এখানে: www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418